

# Discours de Louis

MEIGRET TOVCHANT LA CREATION DV MONDE, ET d'vn seul createur, par raisons naturelles.



imprimener,

r consententent

vois anis fur peine

lation est faicte.

### A PARIS,

Faiet en parlement, le dernier iour de Inillet, l'an mil.

Chez Andre Wechel, en la rue sainct Iean de Beauuais, à l'enseigne du Cheual volant.

M.D. LIIII.

AVEC PRIVILEGE.

## Extraict des registres de Parlement.

L'A Court apres auoir veu la requeste à elle presentée par Andre Wechel, marchant & libraire iuré en L'uniuersité de Paris, auec la certification de deux docteurs en Theologie de ladicte vniuersité: luy a permis & permet pouuoir imprimer & exposer en vente iusques à trois ans prochainement venas, à compter du iour & date des presentes, un petit Traicté en langue fracoise intitulé, Discours de Loys Meigret touchant la creation du monde & d'un seul createur par raisons naturelles. Defendant à tous autres libraires & imprimeurs, d'imprimer icelluy liure, sans le vouloir & consentement dudict Wechel durant ledict temps de trois ans, sur peine de confiscation desdicts liures qui autrement se trouueroyent auoir esté imprimez, & d'amende arbitraire. Faict en parlement, le dernier iour de Iuillet, l'an mil cinq cents cinquante quatre.

A Colation est faicte.

Chez Andre Wecheirskurgene faince lean de

Beauwais, à l'enseigne du Cheual volant.

M.D. LIIII.

AVEC PRIVILEGE.

### AV LECTEVR.

OMM E ie fusse ia de pieça aduerti de la miserable & execrable opinio & secte de quelques uns tenans le mode eternel auec la denegation de son createur, & un dedain du tesmoignage des sainctes escriptures: ie me suis mis à ruminer s'il seroit point possible de la ruiner par raisons naturelles, & prouuer ce monde auoir prins commencement par creation: & par consequence inferer estre un createur, que nous auons de coustume appeller Dieu. Finable met i'en ay trouvé quelques vnes, & telles q si ces Athées ou nyedieuz ont quelque sens, & cognoissance des principes de philosophie, è espere bien leur monstrer quasi comme à l'oeil des raisons si euidentes, & necessaires en ce subsequent traicté, que ie ne m'attens pas qu'aucun d'eux ose prendre la plume pour les confondre de droit fil, Epar argumens manifestes, & sans deguisemens tels que nous à fait vn Cymbalum mundi, prenant tiltre digne de l'œuure, car à la verité elle ne tient rien que du monde. Au demeurant, si le batiment de l'escripture vous semble autre & different de la doctrine, qu'autrefoys ie mis en auant, blamez en l'imprimeur, qui a preferé son gain à la raison: esperant le faire beaucoup plus grant, & auoir plus propte depeche de sa cacographie, que de mon orthographie. A la verité aussi la plusgard part des homes, est

d'une legerté autant voluntaire & facile aux fraiz & depenses pour le contentement de ses plaisurs, quoy que deraisonnables, qu'elle est par une impatience ennemie & dedaigneuse d'une repugnance tant equitable & inste qu'on voudra es choses qu'elle tient pour bones & sufssantes. A ceste cause ie laisse le chois à l'imprimeur de telle escriture que bon luy semblera, me deliberant pour l'aduenir de le souffrir tousiours de mesme: & de presque dire en bon courtisan auec Perse: Per me equide sint omnia protinus alba.

Avn seul Dieu honneur & gloire.

per de philosophies inspere vien leur monstrer quals comme ais ocircies unispens sienidentes, en mocessares en cessares que monstraiches que i en visuatens pas qui aucun d'euro ofe pirendre la plume pour les consonaires droits d'euro ofe grumens manifelles, en sans dequisent en tels que nous rataires unes sur une, carà da verire elle ne trent riennement illere des neu nondes. Au verire elle ne trent rienneme du mondes. Au tre en disperent de la dostrine, qui a present sons sentire en avent d'en de la dostrine, qui a present son sen avaison est est en la raison elle se cacoquablise son plus grant de la cacoquablie, qui a present de la vient de la plus grant de la plus grant de la plus grant des bomes, oft en appire. A la vienté aussi la plus gard part des bomes, oft en appire. A la vienté aussi la plus gard part des bomes, oft en appire. A la vienté aussi la plus gard part des bomes, oft en appire. A la vienté aussi la plus gard part des bomes, oft en appire.

## Discours de Louis

DISCOVES DE L. MEIGR

### MEIGRET TOVCHANT LA

creation d'un monde, et d'un seul createur, par raisons naturelles.

de Dieu, & composé de tous les corps tant celestes qu'elementaires. Or ont esté les celestes assortiz d'une nature incorruptible, desquelz combien que le nom-

bre nous soit infiny, les vertuz & puissances sont toutes sois dissertes pour par la prouidéce Diuine les employer à la corruption & generation de ces inferieurs quatre corps (que i'apelle elementaires) en restablissant & renouuellant tousiours sans cesse les especes par leurs indiuiz, desquelz ne peut estre la durée eternelle, veu la contrarieté, & vicissitude mutuelle des corps dont ilz sont composez. A quoy aussi fait beaucoup la repugnance naturelle des puissances & vertuz celestes tendans par leurs influences, les vnes à la defaicte & corruptio des indiuiz, que les autres ont formé, & s'efforcent de conseruer. Non sans cause donc ques les a Dieu doué d'vn mouuemét circulaire, continuel, & tousiours vnisorme, à celle

### DISCOVRS DE L. MEIGRET

fin qu'en visitant & gironant ce mode inferieur, la generation, corruption, & autres actions, & passions naturelles fussent tousiours continuées, ayans par ce moyen leur effect tout tel es elemés qu'a l'artisan à dresser, & mener à perfection son ouurage de tant qu'il y trauaille. Le ciel donques auec ses corps celestes a esté creé & ordonné de Dieu come cause effectiue des corps mixtes parfaictz, & imparfaictz coposez des quatre elemes qui leur seruent de matiere pour la generation & corruption de tous corps corruptibles & gene rables, comme sont les vegetatifz, mineraux, & animaux, vapeurs de l'eau, & exhalatios de la terre pour la generation des rosées, brouillars, bruines, frimaz, pruine, nuées, & pluyes, gresles, neiges, esclairs, vens, tourbillons, tonerres, fouldres, estoilles courantes, & cometes. Et combien que ces quatre elemens ayent mouuement local, ilz ne s'en aydent toutes fois iamais, qu'apres estre deplacez, & forcez par quelque autre mouue. ment, soit par les corps celestes, ou bien par la victoyre de leur contraire, les rauissant come nous le voyons auenir euidemment aux exhalations & vapeurs, esquelles le feu dominat rauit en l'exhalation quelques parties terrestres & subtiles, & aucunes aquatiques en la vapeur, iusques quelques fois à la moyenne region de l'air: là ou estat le feu corrumpu, ou chassé par la froidure, les susdictes vapeurs & exhalations se tournent selo qu'elles y sont plus oportunes, en vent, pluye, ou autre tel ouurage naturel, qui a de coustume se concréer, & condenser en ladicte contrée. Quelquefois aussi ces elemens sont par vne mutuelle generation & corruption engendrez hors leur lieu naturel, comme le feu en la terre (car ilz sont tous en tous par pouuoir) & lors naturellemét ilz l'efforcet à q'sque mouuement pour gaigner leur propre lieu, & pour leur coseruation, s'ilz ne sont retreinctz & empechez par quelque autre plus forte nature. A ceste cause suyuant l'ordonnance de la prouidence Diuine, le feu tend tousiours à la region confine du dernier ciel, comme lieu à luy destiné pour sa conservation: au dessoubz du quel tout ioingnant, est ordonné à l'air la region subsequente: apres laquelle se deuoit loger leau & enuelopper toute la terre, si Dieu ne l'eust forcé à vne certaine grande concauité d'elle, y prenant nom de mer, & ne l'eut departy en sources & fontaines, desquelles sont deriuez ruisseaux, riuieres, & torrens, prenas leur cours par certains canaux, tout ainsi quasi que sont les veines es corps des animaux. Par quoy combien que l'eau soit moins pesante que la terre, la mer toutes sois est encauée dans elle: ce que nous voyons euidément, d'autant que toutes riuieres prennét leurs cours à la mer, come lieu plus bas que leurs sources, lesquelles toutes nous voyons prendre leur naissance en la terre, & tirer là, comme en vn lac. Si l'eau de vray se fust espadue, & qu'elle eust, suy uant sa nature, occupé son propre lieu en couurat toute la terre, la terre n'eust esté habitée que des animaux aquatiques, & qui peuuent multiplier leurs espece dans les eaux. Si donques ces quatre corps sont deplacez, nature les a pourueu d'vn mouuemet de droicte ligne pour l'efforcer à gaigner leur propre contrée, car d'vne extremité à autre il n'est point de voye plus courte ny plus có mode. Ces choses ainsi presupposées, comme de toutes essences il soit tant seulement trois differences, & que par necessité chacune d'elle soit dicte eternelle, ou engendrée, ou bien crée, il nous fault aduiser à la quelle des trois nous attribuer os celle du monde, & de toutes ses parties. Or est il que les anciens Philosophes naturelz ont tenu pour fable, & trouue estrange comme impossible la creation de quelque chose que ce soit, de tant qu'elle denie aucune matiere preexistete, comme qui (attendue l'experience ne nous monstre rien prendre naissance sans quelque corruption precedente) ont opinion que de neat rien ne se fait. Mais combien que leur aduis ait grade apparence, & que la creation soit de difficile demonstratió simple, & pure affirmatiue, elle est toutes sois prouuable, & necessaire par la denegatió des autres differences, qui sont l'eternité, & la generation. Car comme vne essence ne soit eternelle, elle a par consequence quelque commencemet. Mais si ce commencement ne procede point par generation qui requiert corruption de quelque autre essence precedete, il fauldra necessairemet la confesser creé sans matiere preexistente, prenant son estre par la seule sapience & prouidence diuine, que nous appellons premier principe, & premiere cause eternelle, par laquelle sont cau sées ces autres quatre causes principales de toutes choses, qui prénent corruption & generation que nous appellos l'efficiente, formelle, materielle, & finale: lesquelles toutes ne font, ny ne peuuent rien mener à fin sans la prouidence diuine, executans sans varier, ne decliner le bon vouloir de Dieu leur autheur. Si donques ie puys prouuer q le monde auec ses principalles parties, n'est eternel, ny engendré, ie pourray necessairement inferer & coclure qu'il a prins estre par creation. Or ont esté anciennement (outre la plus saine & vraye opinion de Moyse temoignant la creation du monde au premier chapitre de Genese) deux pricipales sectes & heresies entre les philosophes

#### DISCOVRS DE L. MEIGRET

touchant le mode, au recit de Diodore le Sicilié, les vns le disans eternel, & incorruptible, & que les hommes sont de tout iamais: & les autres a-uoir prins commencement par generation, & e-stre corruptible, & de mesme des hommes: adiou tas d'auatage que d'entre la terre & le ciel estoiét meslez ensemble soubz vne mesme face, comme aussi le temoigne Ouide l'appellant Chaos (signifiant messement) en ces termes:

Vnus erat toto natura vultus in orbe

Quem dixêre Chaos.

Que nous pouuons ainsi interpreter: Nature en tout le monde vn seul visage auoit Qu'ilz nomerent Chaos.

Voyla donques les deux opinions que nous a uons à cobatre & cofuter, si nous voulons prouuer & demostrer la creation de ce mode. Et pour premierement donner à celle qui tient & asseure le monde estre doué d'eternité, & toutes fois co posé de cinq principalles substances corporelles, nous dresserons ceste premiere escarmouche. Tous corps sensibles sont composez de matiere & forme, qui sont deux substances diuerses, par consequent ce seront deux eternelz en vn corps composé: or est il que toute composition est par raison subsequente aux choses qui la composent, sice n'est par creation de deux ensemble, ou par la generation de l'vn en l'autre, come d'aucunes formes en la matiere: la forme donques & la ma tiere ont precedé leur assemblemet, parquoy les corps sont subsequens aux parties qui les compo sent, & par consequence non eternelz. Comme donques la forme & matiere soient assembléez en vn corps, il fault necessairement confesser que ce soit pour quelque autre principe, ayant pouuoir de leur commander & les forcer à cest assem blement: & par consequent luy estre obeyssantes & subiectes: Or est il que d'eternel à eternel ne peult estre pouuoir ne loy: la forme & matiere donques ne seront raisonnablemet dictes de nature eternelle. Et si quelqu'vnveult soustenir que ceste composition est de toute eternité d'vne amour mutuelle, il nous faudra confesser qu'elles sont donques (comme il est vray) indigentes,& necessiteuses l'vne de l'autre, & par consequence imparfaictes, & prenans principe de perfection par ceste maniere d'assemblement, auec vne accession de quantité terminée par les trois dimen sions, qui sont longueur, largeur, & profundeur, lesquelles nulle d'elles ne se peult vendiquer: car la quatité reelle ne se treuue qu'es corps, ny n'est aucune matiere ne forme corporelles qui seule soit en nature. Et cobien qu'à l'aduis des philosophes la forme termine les corps, elle n'a toutes-

### DISCOVRS DE L. MEIGRET

fois aucun effect qu'en la matiere. Parquoy il appert manifestement que nulz corps, ne leurs parties ne peuuent estre dictz eternelz, ny nulle autre substance composée. Comme donques ces premiers corps simples (simples dy-ie d'autant qu'ilz ne sont composez que de forme & matiere)ne peuuet estre dictz eternelz:comment auserons nous affermer eternelle la machine du mode, non seulement composée de matiere & forme, mais aussi de plusieurs corps, mesme de nature differete: dot les vns sont incorruptibles, come le ciel & les estoilles, & les autres corruptibles & generables, come sont ces quatre corps inferieurs qui sont le seu, l'air, l'eau, & la terre. Car premierement tous corps ont vn mouuement naturel, comme l'experience le nous fait assez euident:or n'est il aucun mouuemet eternel de quelque nature que nous le prenios, ne mesme celuy du ciel quoy qu'il en ait apparence, comme qui tous-iours gironne sans prendre sin ou but de repos,estans tous autres mouuemens ou de lieu à autre, ou de generation à corruption, d'augmentation à diminution, ou à estat, & en semblable de leurs contraires. Tous mouuemens de vray ont priorité & posteriorité que l'eternité ne peult souffrir: nul corps donques subject à mouuement deura estre dict eternel. Et combien (comme nous auos ia dict) que le ciel auec tous les corps celestes, ne se propose en son mouuement aucun but, ne sin ne repos, il ne laisse pas toutesfois à estre subiectà priorité & posteriorité, si nous auons egard aux extremitez de ses diametres. Il est impossible de vray qu'vne mesme partie du ciel ait esté de tout iamais en deux poinctz opposites du diame tre du monde: comme posons les cas, au poinct d'Orient, & de l'Occident: ou bien que le Soleil ou autre estoille ait de toute eternité visité Aries & Libra signes opposites du ciel: veu que si eternellemet il a esté en l'vn, il ne l'a peu estre en l'autre, autrement il faudroit qu'il eust esté eternellemet es deux: & ainsi de toutes les autres parties du ciel, & que finallement la Vere, L'este, l'Autumne, & L'yuer aient esté ensemble de tout iamais. Or voyons nous par experiece que l'vn succede à l'autre, ilz ne sont doques point eternelz, ne par consequence les mouuemens qui les causent. Par quoy ilz nous faudra auoir recours à vn repos eternel precedant le mouuement, si nous voulons defendre & maintenir ces corps celestes eternelz. Mais si le repos estoit de toute eternité es susdictz corps, nous serons subsequément sorcez de les dire de tout iamais immobiles:car il est premierement impossible que deux contraires soient actuellement en vn mesme corps simple,

& eternel, ne pareillement par pouuoir: carles substances qui contienent vn contraire par pouuoir, ne le peuuent reduire en nature si non par quelque autre vertu exterieure, de sorte que com bien que la terre soit par pouuoir resoluble en so contraire, cela ne se fera iamais de sa propre natu re, mais par vne vertu celeste ou de quelque autre element qui le resoudra en corrumpat sa froidure en chaleur, & la subtiliant, & lors elle prendra nature de feu: ou bien sa secheresse en humeur pour la resoudre en eau: ou bié en air en corrupat sa froidure & secheresse en chaleur, & humeur. Par cesraisons doques il appert q le repos n'est no plus eternel aux corps q le mouuemet. Or si le re pos des corps principaux de ce mode est eternel, en quelz incoueniets toberons nous? car il nous faudra confesser que le Soleil n'auoit aucune ver tu de celles que nous luy voyos au iourd'huy, come deviuisier, corrumpre, echaufer, & dessecher, & ainsi des autres estoiles, qui suyuat la prouidéce diuine exercent leurs puissances & vertuz ça bas: car comme le repos estoit eternel, il n'estoit donques point de generation, ne corruption, ne nulles autres actions naturelles subsequentes: qui toutes se dressent par quelque mouuement. Or seroit ce vne chose par trop estrange de raison, de dire aucune substance auoir esté de tout

iamais sans vertu, & toutesfois l'acquerir par apres: ce seroit autant que de dire vne substance auoir esté eternellement imparfaicte, & auoir subsequemment acquis vertu & puissance pour sa perfection: somme que toutes ces manieres de passions sont repugnantes à l'eternité, comme qui ne peult estre en rien immuée, & qui a à demeurer toussours tout vne. Si ausi nous disons, que les susdictz corps auoient leur vertu & puissance entiere, comme elles sont au iourd'huy, & qu'ilz ne l'exercent que par moyen du mouuement: la responce y sera facile : car comme nous ayons prouué que leur mouuement ne soit eternel, il ne leur est donques pas naturel, attendu l'aduis qu'ilz ont que le repos leur est eternel. Par consequence donques quelque autre puissante nature les force à prendre mouuement, & de s'y assubiectir, & qui finallement les priue de leurs repos eternel. Or seroit ce vne chose ridicule de dire qu'vne proprieté eternelle d'vn corps prenne quelque fois sin pour receuoir en luy sa cotraire. Car c'est vne chose hors de toute raison de dire, qu'aucune substance ny aucun accident, proprieté, qualité, ou passion, ne finallemet aucune essence n'ait eu aucun comencemet, & toutes sois estre corruptible. Quelqu'vn parauature mettra

en auant l'alternation du repos, & du mouuemet: mais quoy?nous reuiedrons à la priorité & posteriorité, & que pour le moins l'vn a prins comencement, & que par consequence il est temporel: mais à peine sera entre l'eternel & temporel aucune vicissitude, veu qu'elle est impossible mesmes entre les eternelz: attédu que tousiours elle presuppose la corruption de l'vn pour le moins. Parquoy il s'ensuyt que si le repos & le mouuement sont alternatifz qu'ilz ont donques commencemet & fin. Outre plus si nous voulons tenir le monde estre eternel, il fault par necessité q nous confessions que toutes ces parties les soiet: autrement le vuyde seroit possible en nature. Or est il que le dedans, & cocaue du ciel est remply des quatre elemés, lesquelz nous disons subiectz à mutuelle corruption & generation, qui sont principes contraires à l'eternité: ilz ne peuuent donques estre de tout iamais. Ny n'est receuable le refuge qu'aucuns prennét, disans, que cobien quilz soiet corruptibles, & generables, ilz ne sont toutesfois subiectz à vne corruption totalle de l'vn d'eux: car si toute la masse est dicte eternelle, nulle de ses parties sera corruptible: ny ne seroit possible à autre vertu naturelle de la corrumpre, attendu que l'eternel est par soy sans aucun principe, & sans aucune subiection à autre puissance,

ny ne se pourroit de soymesme corrumpre, veu qu'il n'est pas principe de soymesme. Ie confesse bien que comme le pouuoir du premier principe & autheur de toutes essences soit perpetuel, il peult aussi rédre les choses corruptibles, par apres incorruptibles, & faire cotinuer toutes especes tat q bon luy semblera, mesmes eternellemet par la generatió & corruptió de leurs indiuiz (i'appelle vn indiuis qui ne peult estre diuisé, ses parties gar dans le nom de leur espece, come vn certain home ou cheual) & lors vn elemet ne pourroit estre totallement corrumpu, que l'ordre que nous voyons au iour d'huy en nature, touchant la generation & corruption de tous mixtes mesmement perfaictz, ne fust peruerty: car il n'en n'est guieres ou les quatre elemets ne se treuuent actuellemet pour la diuersité des formes materielles qui s'y rencontrét, comme es animaux, celle de la chair, des oz, du sang, du cerueau, dont es aucunes est quelque element dominant comme la terre, ou l'eau, ou l'air. Comme donques les elements soiét subiectz à quelque, quoy que non totale, corruption, & generation, il nous fault necessairement confesser qu'ilz ne sont point de nature eternelle, & qu'ilz ont eu commencement. Reste donques pour le dernier refuge de dire que la generation & corruption sont eternelles, & que par

consequence, les elements les sont, & que comme dit la premiere opinio, il a esté de tout iamais des hommes, & ainsi de toutes autres especes. Or est ce que mesmes à l'opinion de tous philosophes, elles sont par mouuement: nul mouuemet n'est sans commencemet, elles ne sont donques point eternelles. Outreplus toute corruptió presuppose corps precedant, & par consequence la generation mesmes, que tous philosophes nient pouuoir estre de neant: finallement comme la forme & matiere auec la priuation soient les premiers principes de tous les corps inferieurs, il est necessaire que la generation & corruption soient alternatiues, attendu que la corruption d'vne for me soit la generation d'vne autre. Or auons nous ia prouué l'alternation n'estre possible en l'eternel: la generation donques & corruptione sont point de tout iamais: finallement il faudroit cofesser que la matiere les a precedé, & que par consequence les elemens esquelz se causent la generation & corruption ont à bonne raison precedé ces deux mouuemens qui se causent en eux. Or est il toutesfois qu'ilz ont tous de leur nature leur contraire par pouuoir, qui est autant à dire qu'ilz sont corruptibles, tellement que la terre peult estre resoluë en air, & ainsi des autres: ilz ne sont donques point eternelz, ne mesme leur matiere

(laquelle toutesfois est incorruptible) attendu qu'elle ne peult estre separée d'eux, come qui est le subiect de leurs formes, de sorte qu'estat la forme de l'vn corrumpuë en elle, soudainement vne autre s'y treuue, qui est vne condition repugnante à l'eternité, comme ia nous l'auons dit: car par ce moyen la matiere eternelle prendroit condition nouuelle de subiect inseparable des formes corruptibles. Or est il que rien ne peult estre adiouste à l'eternel qui ne le denotast imperfaict, necessiteux, ou forcé: la matiere donques estant subiecte à formes corruptibles, n'est post eternelle, & est forcé de quelque autre plus excellét prin cipe. Par consequéce doques les elemets ne sont point eternelz, & si ne les sont, & q le ciel le soit, tout le cocaue au dedas du quel sont assiz les elements sera demeuré vuyde de toute eternité:&si cela a lieu, d'ou les imaginerons nous y estre venuz? & si le vuyde a esté coëternel au ciel, qui sera celuy qui depuys aura eu puissance de le remplir, veu que d'eternel à eternel n'entreuient aucun pouuoir? Au regard de ce que ceux qui tiennent le monde eternel, disent qu'il a esté de tout iamais des hommes, il me semble tant puerile, que combien que nous leur consentissions l'eternité du monde, l'opinion toutesfois de celle des hommes ne seroit pas receuable. Pre

mierement tout homme a son corps composé de ces autres quatre inferieures, comme nous le voyons sy resoudre: les matieres donques dont il est composé sont precedentes : les hommes donques ne sont point de toute eternité. Outre plus come il soit trois manieres principalles de corruption substantiale (ie me tais de celle des corps simples qui est en leur cotraire partiale ou totalle) l'vne generale par laquelle vn corps mixte cor rumpu se resoult immediatement es parties dont il est composéssans generation de quelque autre mixte parfaict, comme quant il se resoult es elemens dont il est composé, & que l'autre soit quad de ceste maniere de corruption s'engendre quelque autre espece, comme mouche, ou ver, ou autre tellevermine de la charoigne de quelque chié ou cheual, ou autre tel corps qu'on voudra, & que finallement la troissesme tende à la generation de son semblable par le moyen du sparme, ou de la semence, comme nous le voyons aduenir en la plusgrande partie des animaux & vegetaux: il nous fauldra confesser que le sparme ou la semence a precedé, & par consequence que les hommes qui en procedent ne sont point de tout iamais: & que comme tous hommes viennent par ce moyen de sparme, que necessairement il a esté quelque premier homme, du quel le sparme

procedant a esté le principe aux autres hommes: lequel si nous voulons dire auoir esté de tout iamais, nous toberons en pleusieurs inconueniens ineuitables, comme que d'vne substace eternelle se tire vne partie corruptible, & qu'vne substãce composée de corps corruptibles, seroit eternelle: ioint qu'il ne nous apert de ce premier home incorruptible, & eternel. Comme donques il soit maniseste que le ciel, ne tous les elemens, ne aucun corps sensible, soient eternelz, le monde donques composé d'eux, ne se peult affermer estre doué d'eternité. Voyla donques les argumens euidens & suffisans par raisons naturelles pour confuter ceste execrable, & arrogante opinion contre la prouidece diuine de l'eternité du mode, soubz couleur d'vne maxime receuë trop au large entre les Philosophes, que de neant rien ne se fait : pour la craincte de la quelle est procedée ceste autre qui nous reste à confondre, affermant le monde estre engendré, & les hommes auoir prins commencement par generation. Premierement toute corruption substantialle requiert quelque substance precedente:si ce monde donques est engendre par la corruption de quelque autre substance, il nous fauldra en confessant la corruption d'elle, qu'elle a aussi prins sa generation par la corruption d'vne autre prececedente, & par ce moyen venir à vne infinité, qu'abhorre nature: ou bien finallement, à quelque non engendré qui soit ou eternelle, ou bien creé par vne premiere cause donnant estre à toutes choses. Au regard de dire ceste premiere substance eternelle, dont on veult maintenir le monde estre engendré, ce seroit (comme ia nous l'auons monstré) trop se deuoyer de la rayson naturelle, si nous disons vne chose eternelle estre subiecte à corruption: & si nous la disons creé, il n'y a raison ny necessité qui nous force de plus tost imaginer le mode auoir esté engédré de quelque autre substance creé, que sans chercher tant de moyens superfluz, confesser sa crea. tion: ainsi l'ordonnant Dieu par sa prouidence. Outreplus ce seroit vne chose bien estrage qu'vn corps en son tout soit corruptible, du quel toutesfois aucunes de ses parties, mesmes les plus amples, & de grandeur excessiue paragonées aux corruptibles, sont exemptez de corruption. Au regard de ceste confusion totalle de toutes les parties du monde, qui a plus d'apparence de reuerie & songes, que d'aucune couleur de verisimilitude, ie voudroy bien sçauoir de ces si audacieux sophistes, pour quelle apparance ou rai-son ilz se sont abisme en ce desordre de tous les elements, quilz disent auoir esté subsequent à la

generation de ce monde. Parauanture que l'engendreur & formateur, n'a pas esté de prime face asses suffisat pour separer le leger du pesant, & ordonner chacun corps en son propre lieu, ou que le ciel s'est trouué si pesant, qu'il n'a peu soudein gaigner sa place, ne pareillement la masse de la terre, se retirer au centre: & que finallement pas vn de tous ces corps n'auoit aucun mouuement. propre, qu'au iourd'huy nous leur voyons, pour se retirer chacun à son lieu destine, ou que quelque puissante nature ennemie d'ordre le tenoit en ceste captiue confusion & messement: Or est il qu'il n'est point en ce monde aucune violence faicte es elements, qui ne tende à quelque autre ordre: tellement qu'a comencer aux exhalations &vapeurs, elles sont couerties à rosée, brouillars, bruynes, ou pluyes, ou autres telles passions qui aduiennent en l'air pour fournir à quelque autre ordre de nature. Mais que pouuons nous imaginer de ceste premiere confusion, qui tend à quelque ordre autre qu'vn vray desordre? Au regard de ce qu'ilz disent, que les hommes ont eu commencement, il fault entendre que toutes especes qui ne se peuuent continuer que par sparme, ou semence, n'ont point prins leur commécement par generation: & à esté necessaire que le premier autheur ait forme les premiers indiuiz point

de sa seule prouidence en composant leurs corps de ces quatre inferieurs, & leurs donnant la vertu seminale pour pouuoir par ce moyen engendrer leur semblable, chacun selon son espece. Comme donques il soit manifeste par les raisons susdictes que le monde ne soit eternel ny engédré, il nous fault (en reiectant ces opinions fantastiques & sans raison naturelle) cofesser la creation du monde, apres auoir epluché ceste tenebreuse maxime, qui a eblouy & aueuglé noz ancies philosophes, tenans pour vn principe irrefragable, que de neant rien ne se faict. Il est vray q si nous considerós la generation des choses corruptibles \* il est certain qu'elle prouient de quelque preexistête matiere, & pourtant il a esté necessaire (com me nous l'auons prouue) que comme ces corps corruptibles ne puissent estre eternelz, qu'ilz soient donques creéz, & ordonnez de Dieu pour par vne corruption & generation mutuelles rendre les especes perpetuelles au bon plaisir de sa prouidéce, d'vne continuation en leurs indiuiz: combien qu'encores il ait esté necessaire, que les premiers ayent esté formez par maniere de creation: lesquelz ne prennent point generation par vne corruptio d'vne autre espece, comme ia ie le vous ay dit, & ont en eux vertu seminale sans laquelle toute l'espece defaudroit. Nous ne voyos point

point de vray les hommes naistre de putrefactio de quelque charoigne: par quoy il a esté necessaire que le premier ait esté formé de la prouidéce diuine, auec la femelle, ordonnant de mesmes en la plus part des autres especes auec ceste vertu seminale pour la continuation d'elles, lesquelles nous ne voyons point cotinuer leur generation par autre moyen. Il en est de vray qui prennent naissance aussi bien par la corruption de quelque autre espece, tout ainsi que par la seméce, comme souriz & rats, desquelz ie me deporte quant à leur premiere generatió, puys qu'elle peult auoir deux moyens. Mais à fin que plus euidemment nous confondions l'opiniastreté de ceux qui tiennent qu'en quelque sorte que ce soit, rien ne se puisse faire de neant, ie veux monstrer que ce monde a esté creé de Dieu sans aucune matiere precedente ne corps, ne autre cause le mouuant, que sa seule volunté. Premierement si Dieu eut esté necessité de quelque cause materielle precedente, il n'eust pas esté perfaict en ses œuures, sinon qu'il l'eust creé. Mais s'il eust creé, ou plus tost formé le ciel & les estoiles d'vne matiere au parauant creé, il eust semble le vouloir rendre corruptible, comme l'homme qu'il a formé auec les autres especes des quatre elements, aux quelz finallement ilz font leur resolution:

par mesme raison aussi il semble que le ciel, & les autres corps celestes se fussent aussi resoulu en la matiere dont ilz ont esté formez: & ainsi de quatre elements. Et si quelqu'vn vouloit dire, que ce seroit en autres leurs semblables, tellemet que le ciel & tous ces corps se resoudroient en autres semblables, & ainsi des elements: pour neat cherchons nous plusieurs voyes, là ou vne seule peult fournir: autant est il aisé au premier principe & beaucoup mieux seant de creer ces pre-miers simples, que de les former d'vne matiere au parauant creé, attendu qu'il les a voulu estre perpetuelz: les vns comme quasi matiere de tous. mixtes: & les autres comme causes efficiétes. Reste doques de dire que ceste matiere preexistete estoit eternelle: mais (comme nous auons ia dit) si elle estoit telle, elle n'eust peu estre subiecte à aucune obeissance d'autre eternel, comme luy estant coëternelle, & pourtant parfaicte, & sans indigence d'aucune permutatio des formes tant soient elles excellentes, veu qu'il n'est rien si excelelt que l'eternel. Parquoy il est manifeste que le monde est cree de neant par ceste premiere cause des causes, sans aucune necessité ny ayde, ou concurréce d'autruy: ce que ne font ces autres inferieures que nous voyons euidemment necessitées les vnes des autres, de sorte que pas vne

n'a aucun effect sans la concurrence des autres. Que peult de vray la formelle, ou materielle ou effectiue, ou finalle, les vnes sans les autres? com me quoy les dirons nous donques eternelles estans ainsi necessiteuses, & qu'il ne soit necessaire que quelque autre plus excellente ne leur commade, laquelle soit diuine, & si differente d'elles, qu'elle n'a autre raison en ses œuures, sinon que Dieu l'a voulu, Dieu l'a fait? comme donques ceste supreme cause des causes ait par sa sapience & prouidence creé ce monde auec les quatre causes pour la generation, & corruption de toutes choses corruptibles, il est bien necessaire qu'elles obeissent sans pouuoir varier ne fuir la prouidence & vouloir d'elle, veu qu'elles n'ont autre principe en elles actuel ny en pouuoir, pour en rien se deuoyer, & luy desobeir, comme pretendans vne liberté. Et cobien que quelqu'vn me pourra obiecter que consequemment il conclura que comme l'homme soit creature de Dieu, il n'aura donques point de libre volunté ou arbitre: ie dy toutesfois premierement, que ie ne poursuys icy que les vniuerselles causes dont le monde est copose: & que d'auantage l'homme me semble bie inconsidere de chercher l'aduis d'autruy, & s'yattédre, es choses que luy sont plus que manifestes: si non que parauanture quelqu'vn se pense auoir

Dij

beaucoup plus certaine cognoissace du nombre de ses yeux ou de ses doigts par les escriptures des philosophes & medecins que par l'experience qu'il en a. Il n'est rien de vray si manifeste à l'hom me que son vouloir & desir: il est donques bien hebete, s'il ne peult decouurir toutes sois & quates que la cause s'y offre la liberté ou difficulté qu'il a de le receuoir, ou repousser, & en ce qu'il se sentira victorieux, en rendre graces à Dieu. Finallement comme toute essence naturelle soit par la puidéce diuine, il est impossible qu'elle se maintienne estat abadonnée de son principe. Et pourtant pouuons nous raisonnablement dire come irrefragable, qu'il n'est qu'vne vraye essence que nous appellons Dieu: car toutes autres essences tant soient elles excellentes sont ce quelles sont par creation, & non pas deriuées ainsi que nous voyons les ruisseaux des sources & fontaines, autrement elles seroiet coëternelles, & coëssentiales à Dieu, comme les Chrestiens tiennét le Filz & le sainct Esprit : lesquelz nous ne disons pas creez, mais procedans du Pere, & pourtant coëfsentiaux & coëternelz à luy, & ne sont tous qu'vne essence, & vn eternel. Outre plus il n'y a point de raison que l'homme imagine les essences insensibles, que les sensibles ne le forcent à les cognoistre, comme par cy auant i'ay prouué par

raisons naturelles, que necessairement il est vn createur, attendu les choses qui nous sont manifestes aux sens. Si donques nous voulons establir plusieurs eternelz, il nous fault cercher si ce mode, ou aucunes de ses parties n'ont peu prendre leur essence sans la concurrece de plusieurs creatures: mais si aucunes ne se peuuent offrir, ce seroit les quatre causes, comme qui voudroit establir vn createur de la matiere, l'autre de la forme, & ainsi des autres. Orest il (comme ia nous l'auons dit) quelles sont toutes necessiteuses les vnes des autres, & pourtant imparfaictes, il sera bien ausi raisonnable de dire leurs createurs imparfaictz, debiles, & necessiteus en leurs effectz: qui sont notes mal seantes à vne essence diuine, & eternelle. Encores faudroit il imaginer quelque autre autheur de l'ordre, par lequel ces quatre causes consentent à vn effect: veu que pas vn d'eux ne le pourroit estre, comme qui n'est au theur que d'vne cause. Par ce moyen l'autheur de l'ordre auroit vne superintédence & pouuoir sur eux, qui ne se peult rencontrer es essences eternelles: ioint que pour neant imaginos nous pluralité, là ou l'vnité peult satisfaire. Il est donques beaucoup plus raisonnable tenir pour certain ce monde estre creé d'vn seul createur, que sans aucune apparence songer vne multitude de dieux:

## DISCOVRS DE L. MEIGRET

mesmes que si nous recognoissons vne vertu en vn eternel qui ne soit en l'autre, & au contraire, cela argue en eux vne commune imperfection & default, & pourtant indignes d'estre dictz eternelz:ny ne seroit receuable entre les hommes que comme tout eternel soit parfaict, son œure toutesfois sust imperfaict. Comme donques ce monde soit vn ouurage perfaict, il est bien raisonnable qu'on l'attribuë à vn ouurier perfaict. Au regard de ce que mettent en auant ceux qui denient la creation de ce monde, comme qu'il nous faudra donques confesser que Dieu au parauant ceste creation estoit donques oisif, quasi q l'oysiueté soit repugnate à vn si parfaict ouurier: il mesemble que comme ce createur soit eternel, qu'il n'est donques subiect à aucune necessité, & qu'il n'a autre cause pour ses œures, q sa libre volunté, ny ne seroit possible d'imaginer tant d'ouürages precedans, que son eternité ne les precede:car il n'est paspossible qu'vne creature soit coëternelle à son createur. Pourneant devray se trauaille l'homme de peruenir à la cognoissance de la nature & proprieté d'vne si excellente & insensible essence, qui de celles qui nous sont presentes, & à l'œil, n'a quasi & presque qu'aucunes coiectures:ioint q l'entendement humain ne peult comprendre rien que le sens ne luy en donne la

premiere epreuue & occasion. Comme donques la cognoissance de ce monde, de son ordre, & de sa perfection, nous force suffisamment de confesser vn createur, & sa prouidence, ne nous trauaillons point à trouuer de luy ce dont le sens ne nous peut donner occasion de naturelle ratiocination. Cest eternel donques a ordonné la matiere pour subiect, & les formes transmuables en elle des corps subiectz à generation & corruptio, & les incorruptibles, comme causes effectiues & mouuantes. Or comme Dieu ait fait toutes ses œures d'vn si grand ordre, les hommes estans douez par sa grace d'vn entendement auec ratiocination se sont trauaillé à chercher& ruminer la pprieté & nature d'vne chacune partie, & de tout le monde, d'ou se sont forge par la cognoissance d'elles, & de leurs principes moyenant l'experiéce, les sciences & ars nobles, & ont esté subsequemment les ars mechaniques mieux limez. Et combien que les particularitez & indiuiz sem blent les moindres, l'homme toutesfois a moindre cognoissance d'eux que des choses vniuerselles, comme desquelz les causes sont plus ocultes, ce que nous decouurons manifestement par tant de diuersitez, non seulement des especes innumerables de tant d'animaux que vegetaux, & mi neraux, mais aussi pour les infiniez differences d'entre les indiuiz d'vne mesme espece, ayans tous presque quelque notable diuersité entre eux, ou de composition materielle, ou de figure ou couleurs, ou vertu, ou propriete, ou de quelque autre accident, lesquelles presques innumerables sont toutes fois forgées par causes à nous le plus souuent incogneuës, tendans par la prouidence diuine à la conseruation de l'harmonie de ce monde, & pour la consideration desquelles l'homme de sens a à s'emerueiller, & porter reuerence à vn si certain, si parfaict, & si merueilleux autheur. Lequel il nous fault au demourant estimer d'vne prouidence si grande en ses œuures, & d'vne sapiéce telle qu'il n'est creature qui luy puisse rien appredre, ny corriger ou améder rien de ses effectz, ny mesmes raisonnablement deuoir s'enquerir pourquoy il a faict plus tost cecy que cela, ne luy en faire querelle: attédu que le createur œuure suyuat son bon vouloir, ny n'est en rien obligé enuers sa creature, la pouuant aussi bien annichiler à son bon plaisir, comme de son bon gré il l'a creé. Et pourtant Philon le Iuif, quoy que louable philosophe, me semble s'estre vn peu trop auanturé quand il a ausé dire que Dieu ne defera iamais ce monde pour en refaire vn autre, d'autant qu'il a creé cestuy cy perfaict, adioustant d'auantage que ce seroit vn tour d'enfant qui souuentesfois amoncellant vn mont-ioye de sablon, le defaict aussi souvet. Car ou est l'hôme qui s'ause dire si bien entendre les aduis & coseilz de Dieu, qu'il ait peu decouurir sa totalle sapience, prouidence, & puissance? Or comme il soit autheur de toutes choses, il est en luy (comme du quel la puissance est infinie) de créer vn autre monde si bon luy semble, mesmes sans generation ne corruption, & de rédre les creatures corruptibles par cy apres incorruptibles, noobstant toutes les raisons de philosophie. Bref: il est en luy d'en tailler, & roigner come bon luy semblera: & toutesfois tout ce qu'il faict est toussours faict d'ordre, & rai son telle, qu'il n'est post en toutes autres œuures des creatures de harmonie mieux copassée. A ceste cause sont reprehensibles come mutins, blasphemateurs, ceux qui se sentans trauaillez & offensez d'aucunes de ses œuures, les luy reprochent comme faictes sans propos, estimans Dieu n'auoir deu souffrir rien en ce monde qui leur portast dommage: comme sont gresses, foudres gelées, tounerres, mouches, toutes especes de bestes veneneuses, & autres infinies occasions de torment à l'homme, attendu son insatiable desir de ses aises. Finallement ce n'est point à nous d'entrer en querelle auec luy de chose qu'il face, mais de porter plus tost patiemment

les aduersitez qui luy plaist nous enuoyer, comme auquel est loysible tout ce qu'il luy plaist faire de ses creatures. Voyla donques les raisons que i'ay bien voulu mettre en auant de la creation du monde, & de son createur, pour coupper chemin, & rembarrer l'execrable opinion & heresie des Athées & Niedieux, attendu qu'ilz tiennent pour fables ce que Moyse, & ses bons prophetes en ont escrit, tenans aussi la resurrection des morts, & pourtant la loy Chrestienne pour songes. Suyuant l'opinion desquelz il seroit beaucoup meilleur pour les aises de ce monde viure auec toute iniustice en se contregardant de la force de l'homme, que se priuer de ses plaisirs par vne loy de iustice, laquelle toutesfois la conscience (iuge inexorable & seuere) nous conseille. Somme que sil n'estoit point d'autre vie subsequente à ceste cy, en laquelle l'homme doiue receuoir le loyer de ceste premiere, soit à peine, ou à bien, il nous faudroit dire asseurement que Dieu depart beaucoup plus de faueur à l'iniustice qu'à la iustice, attendu que depuys la creation du monde iusques à ce iour, nous la trouuerrons (si nous auons foy à ceste multitude d'histoyres) auoir tousiours eu sans comparaison plus grand regne que la iustice. Finallement il fault que nous confessions que ceste secte des Niedieux dieux est la plus execrable & estrange que pouuoit prendre l'homme, & que i'estime auoir este semée & imprimée par Sathan & ses complices en la fantasie des humains, pire qu'il ne la tient, pour l'insatiable desir qu'il a de les rendre par ce moyen damnables deuant Dieu d'vne coulpe de plus grande horreur que la sienne. Celuy donques sera bienheureux qui recognoissant son createur croyra à ses reuelations & propheties, dont depuys la creation du monde l'ancienneté nous porte tesmoignage de l'execution en luy donnant comme à l'autheur de tout bien, l'honneur, & la gloire en toutes choses, auec vn espoir ferme en ses promesses, comme qui est veritable & constant en sa parolle.

A vn seul dieu honneur & gloire.

## Faultes.

Lisez, d'entrée, sueillet 5.pag. 2. ligne 6. lisez par quelque, s. 6.pag. 1. ligne 8. lisez qui la, s. 7.pag. 2. lig. 8. lisez mais staucunes se peuvent offrir, sueil. 15.pag. 1. lig. 7.


TECHOM VO.TARIO APRO dieux eft da plus execucide & eftrange que pout ueit prendre lhomme, & que i'ellime auojr e-Actomée & imprimée par Sashan & fes complices en la fantaffe des humains, pire qu'il ne le listit, pour l'infatiable desir qu'il a de serendrespar ce moven damnables deuant Dieu d'yne couloc de plus grande horieur que la firanes Celuy donques fera bienheureux qui recomioissant son createur croyra à ses reuelations -nomub noisesus oignage de l'exdellancionen luy done e a l'aucheur de cour bien, Thonne de circus e en toutes chopromelles, comme qui est verticable en la parolle, an A vn (cul di Fairlies

Alice, decided, facillet é pages, lighe étalités par épolégée le grousser, ne no & lifer épola, ét pages, lighe, faller pagis françaires, le grousser, ne ne l'archyt, pages, by . 7.

BORNAN CHARLES THE THE PLANT OF THE PROPERTY.

car accept mentioned by the competition, whe

has expensed with the first tells and the second













VCM 8= 6579

1158312419



